



Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 05/05/2025

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Bildung, Kanner a Jugend & Famill, Solidaritéit an Integratioun weiderzeleeden.

Persounen oder Familljen, déi aus de verschiddenste Grënn keng eege Kanner kënnen oder wëllen hunn, wëll dowéinst ee Kand aus dem Ausland adoptéieren. Dëst ass ee laangen a schwierege Prozess, dee mat villen Hürde verbonnen ass. An de leschte Jore goufen et zudeem och bedeitend Ännerungen am Beräich vun den internationalen Adoptiounen. Eng Organisatioun, déi an dësem Beräich aktiv ass, huet folgend Feststellung gemaach: "Ces dernières années des efforts considérables ont été entrepris dans la plupart des pays d'origine afin de respecter ce principe de subsidiarité. Nous constatons la mise en place de politiques familiales favorables au développement de l'adoption nationale. Tout naturellement, les enfants jeunes et en bonne santé sont adoptés prioritairement par les ressortissants de ces pays. Il en résulte non seulement, une diminution du nombre d'enfants proposés à l'adoption internationale, mais aussi une modification du profil de ces enfants."

An deem Zesammenhang wéilt ech de Ministeren dës Froe stellen:

1. Wéi huet sech d'Zuel vun internationalen Adoptiounen zu Lëtzebuerg an de leschte fënnef Joer entwéckelt?
2. Kann d'Regierung d'Observatioun bestätegen, datt de Profil vun de Kanner, déi fir international Adoptiounen a Fro kommen, sech verännert huet? Falls jo, ëm wéi eng spezifesch Ännerungen handelt et sech?
3. Wéi eng Moosname plangt d'Regierung, fir Lëtzebuurger Familljen ze ënnerstëtzen, déi Kanner mat spezielle Bedürfnisser adoptéiere wëllen?
4. Wéi steet d'Regierung zu der Entwécklung vum Prinzip vun der Subsidiaritéit an den Hierkonftslänner a wéi eng Konsequenzen huet dat fir eisen nationale gesetzlechen a reglementaire Kader?
5. Gëtt et Bestriewungen op EU-Niveau oder international, fir d'Adoptiounsprozeduren un dës nei Realitéit unzepassen?



Mat déiwem Respekt,



CLEMENT Sven
Deputéierten



www.piraten.lu